

月
滿
樓
詩
集

月滿樓詩集卷四

元和顧宗泰景嶽

受業韓文綺編輯

踰淮集

辛巳 壬午 辛巳秋冬在暨陽壬午春踰淮渡黃河獻賦 行在旋應 召試於秦淮

夏月歸秋又赴秦淮所爲詩俱編集中曩別有白門集又有白門楊柳枝詞一冊今俱歸入

張睢陽廟

風塵不辨獨悲歌。想見孤城枕甲戈。百戰未能除寇盜。一身早自障山河。霽雲並死真難屈。許遠同功更不磨。千古荒祠江畔路。靈旂還拂暮煙多。

硯山歌呈學使劉石庵先生

天風吹霞墮疎碧。冉冉翻光照几席。割取瓊英作小山。
清供高齋等主壁。曉來染翰揮煙華。香迴墨海晴飛花。
朵朵靈峯擅奇絕。陰山潛璞何足誇。此山本自天家
物。萬里承靈貢瑤闕。日光月華毓質奇。移得雲嵐露齒
翠。常依香案稱殊珍。晶熒直與珊瑚陳。詞宗侍從親
授簡。此山寵錫恩光新。于闐之鐵麟鬚筆。張華昔日
勤稱述。異數來頒九天上。喜傍芸窓映紺帙。露珠欲滴
銀蟾蜍。坡陀挹澗涵清虛。疑濯崑崙五色水。雲烟欲上
仙人裾。吳都有譜誇不得。好與帝鴻留款識。看製生民

清廟篇筆床常濕淋漓墨。

今夕行暨陽旅館同楊鐵齋趙璞函嚴冬友徐

懸圃葉麗農鮑雅堂吳復堂王香浦小弁倚

雲賦

君山山高紫氣攢白雲橫天江水寒江山如此那可負
同朋張宴追清歡相看此夕是何夕褰屐聯踪接綺席
天涯兄弟幾人在小聚依然湖海客一庭露滴寒無聲
簾外天高孤月明數點殘星挂堂北碧空無翳微颺清
客中有酒傾芳酌銀鱗風動琉璃杓烹魚斫鱠羅鮮肴
興酣更訝酖籌錯銅盤燒蠟光吐紅分曹射覆誰最工

月清言集 卷四 二
雞蟲得失未可料。笑看世事將毋同。吾人對酒便作達。
江山入眼愁襟豁。迢迢銀漏清夜道。相與狂歌到明發。
盧雅雨運使招飲紅橋。遊平山堂。諸勝同程魚
門嚴冬友金萼香

雲歸遠岫雨初晴。金碧樓臺照眼明。十里鶯啼紅樹曉。
春風昨夜到江城。

其二

韶光淡沲綺橋東。香海慈雲靄碧空。隔岸蘭舟橫玉筵。
數聲吹散柳條風。

其三

闌干九曲映林隈。水榭沙亭傷古梅。最愛蜀岡舒遠眺。
六朝山翠過江來。

其四

折花行酒勝從前。宛是江南修禊天。客醉綺筵談往蹟。
柳籠隋苑鎖寒煙。

客有自楚中來者出示題三閭祠作因次韻

漠漠寒祠湘水濱。芳菲空見芷蘭春。自將瓊珮貽公子。
一聽娥眉妬美人。縈恨不忘秦敵國。行吟祇念楚宗親。
至今騷客追風雅。何處招魂暗愴神。

淮陰道中馬上作

風物蕭疎入楚天。平林霽雪籠寒煙。兩隄碧草王孫路。
走馬殘陽又五年。

渡黃河和學使劉石庵先生

驚湍一曲峭帆過。五兩風輕好放歌。星宿源從天上落。
崑崙水伏地中多。龍堂日麗開紅鏡。珠闕雲寒漾碧羅。
知是時平休氣應。榮光此夕滿晴波。

其二

曾。杭。一。葦。聽。潺。湲。曲。折。分。流。向。海。關。天。外。煙。迷。千。乘。水。
雲。中。樹。隔。兩。淮。山。終。知。利。濟。平。生。事。更。喜。乘。風。指。顧。間。
却。笑。澹。臺。飛。渡。日。驚。濤。起。處。斬。蛟。還。

其三

萬里搖溶天上來。龍門奔注挾鳴雷。灣中霽雪籠遙岫。
閣外斜陽戀曲隈。春泛桃花銀浪靜。風移竹箭翠濤回。
乘槎便擬窺牛斗。欲問當年漢使才。

淮陰舟次

煙際春帆落。維舟淮水潯。遙村含雨氣。極浦接天陰。幽
鳥銜沙逝。游鱗聚渚深。楚鄉風景別。曠望一開襟。

其二

長堤斜帶郭。一水接江湄。草綠枚臯里。煙寒漂母祠。漁
舟藏遠岸。酒旆出疎籬。識得滄洲趣。篷窗點筆遲。

淮陰侯釣臺不數步卽漂母祠

淮陰當日天下雄。摧秦蹙項成大功。三分不售蒯通計。豈計烏盡藏良弓。漢室山河定吾手。功成受戮功不朽。却怪清淮把釣時。知君獨有一漂母。

淮陰雜詠

一竿把釣狎烟波。掃定中原漫枕戈。最是給言千古恨。生平知已是蕭何。

其二

從人寄食人皆笑。壓衆登壇衆盡驚。千古始知眞國士。窮通不問世間名。

其三

誰道王孫命世雄。却將一飯惜途窮。他年豈計千金報。
識比橋邊黃石公。

其四

芒碭人傳王氣來。歌風獨自陟高臺。沐陽不蹙重瞳敗。
容易粉榆社宴開。

晚步聞思寺同王中峯阮紫坪任苧村

寒煙抱水村。夕陽在高樹。偶步尋花宮。逢僧快良晤。悠
然心地初。忘歸日已暮。孤磬一聲清。白雲自來去。

枚臯里

路尋之字曲通幽。古里春深訪釣遊。雪苑陳書邀主眷。
柳營飛檄寫軍謀。文章再世爲梁客。姓氏千年溯楚州。
卽收叔子少孺只今芳躅在行人過此問風流。

同程魚門嚴冬友吳元理金尊香放艇至波若
庵庵有水閣四面環水頗有空明之致詩以

紀之

溪水不覺誤一徑孤煙通遙見水雲際。幽閣涵晴空。乘
舟沂中沚。飛棹凌輕風。遂造招提境。延睇窮清穹。一水
淪滴合六曲。浮橋紅澄波。蕩虛影窈窕環花官。疑剪瀟
湘碧。鎖在迴闌中。茲境信幽絕。頗足羈遊踪。老僧候蘿

逕一笑雪間逢。石堦見。旛影花外間。疎鐘悠然脫塵想。
了悟開心胸。日暮歸去來。娟月生遙峯。

清江浦

冰消春水闊。雪淨遙林稀。清江澹如此。幽翫欣良時。我
行適千里。曉發踰淮圻。緩轡此焉憩。極浦迴漣漪。遠流
合滄海。近派趨河湄。人家接沙渚。臨水開柴扉。黃茅覆
酒店。白艇依漁磯。觀此水鄉景。動我江南思。眷言策蹇
去。迴看歸鳥飛。蒼然平楚夕。遠岫斜陽移。

舟次板閘卽景

離離芳草長郵亭。彌望沙堤帶綠汀。曉聚客舟成小市。

夜添漁火雜春星。天依楚水初含碧。江隔吳山已斷青。
孤枕疎篷清夢後。每憐蘭芷讀騷經。

其二

茅屋杉籬逐徑斜。一灣新水野人家。春消殘雪潛滋草。
寒勒輕風緩放花。長爲懷人縈遠緒。每因作客愛年華。
渡頭買醉紅螺盞。極目關河遊望賒。

贈趙舍人璞函

興從象外寄冥搜。當代才名趙倚樓。怪底詩篇清似水。
昨朝觀瀑到龍湫。

璞函遊雁山有
龍湫觀瀑之作

其二

伊人秋水寫風詩。近書伊人秋水圖。憐雨朋簪寄永思。却憶蓉城旅館夜。雨窗剪燭澹吟時。

題永濟寺壁

建業暮鐘時。韋花宮聽梵遲。洗心觀世界。淨手拏軍持。隔岸春潮緩。翻江石壁奇。塵勞於此息。對景愜幽思。

袁存齋太史招飲隨園出示海棠詞卽席次韻
花信傳芳到亞枝。香霏閣上坐題詩。嫣紅不借緗桃麗。自向春風染蠟脂。

其二

小醉風前暈酒潮。紫棉撩亂帶霞飄。玉欄不辨春多少。

夢入輕寒特地嬌。

其三

芳蕊全憑細雨催。千叢深處錦爲堆。紫雲吹徹唐宮籥。
記取華清半睡回。

其四

自分多情戀歲華。捲簾漠漠晚煙斜。幽姿合愛梅花聘。
莫恨無香撲絳紗。黎舉云以梅聘海棠但恨不同時耳

登惠山

山是江南好。梁溪山更幽。五湖春水合。九嶺白雲留。孤
鳥鳴深塢。寒松覆古邱。禪關還可叩。欲約遠師遊。

其二

戶外孤峯秀。晴看紫翠繁。
泉清涵水脉。石潤養雲根。
此地堪招隱。吾人好避喧。
試催新月上。烹茗坐松軒。

春盡前五日維舟桐橋遂入虎邱寺

天教名境落人間。春暮看春興自閒。
紅雨半塘花作市。白雲千頃寺藏山。
曾聞試劍留池古。空憶談經化石頑。
且愛煙蘿償夙願。尋芳直到曉鐘還。

雨中遊石湖用倪雲林韻

空濛花雨滿春湖。千頃波添素練鋪。
欲乞畫家染水墨。依稀寫出剡溪圖。

其二

越來溪接橫塘橋。欲上不上春水潮。吳姬雨雨風風慣。
繫艇綠楊吹玉簫。時有繫舟春橋雨中吹簫者

其三

象曲橋橫柳岸頭。沿隄沙暖狎鳬鷗。偏憐水面漁人市。
鎮日煙波不繫愁。

春歸曲

問春從何來去。亦不知處。祇覺韶光似故人。黯然欲別。
銷魂路。春歸逐曉風。落盡殘花紅。燕語雕梁側。鶯啼柳
絮中。絮飛鶯老。真堪惜。匆匆春亦江南客。二分煙雨一

分愁春盡愁。中感今夕。沽美酒。提玉壺。挽春無計。春云
徂。今夕不飲何爲乎。飲酒且賦山蕪曲。早見清和櫻筍
熟。春夢驚殘。趨趨啼。無復芳郊芳草綠。草歇有時。生年
華轉眼。更明年待春。春樹下索笑。梅花更有情。

題鄭明府寒江花月圖

樓外花枝紅。樓前江水碧。江花映月千里明。渺渺金波
照清夕。一夕春光江上來。玻璃爲鏡塵函開。岷岷湘漢
在咫尺。白雲空際相徘徊。使君遐眺興超越。汪洋萬頃
春江闊。月浪衝天。天宇高。花外三山白。銀闕劇憐此景
湛空明。寒流想見襟懷清。常教遙夜攜琴至。坐看江花

江月生

殺虎行

元濱州渤海縣兵劉平赴棗陽戍平妻胡氏
從行至沙河平爲虎擒胡氏殺虎爭夫時皆
義之趙松雪楊鍬崖諸人俱有詩近友人持
卷索題爲賦是篇

夫遠戍妾從行。腰間械械刀弓鳴。吹笳雲裂心魂驚。忽
然腥風起空谷。於菟一嘯奔平麓。全軀飼虎夫瀕危。赤
手搏虎控虎腹。闕山色死天爲愁。神號鬼泣風雨秋。濺
血爭夫不獲命。苦心莫雪人間讐。吁嗟乎千古義勇

如此泰山哀哭徒爲爾。獨怪從軍號丈夫。不能一射北平矢。義勇乃出一女子。

七夕雨

織綺遙停天上梭。沉沉暝色鵲填河。天孫不是巫山女。應怨秋空暮雨多。

其二

長年離別竟如何。千古雙星幾度過。漢渚更逢零雨夕。豈徒人世苦風波。

將之白門黃蔚岑以詩送別次韻

夢繞秦淮孫楚樓。飛觴遙夜月華流。秋風又作江南客。

碧柳青溪間渡頭。

其二

澹煙疎雨過紅橋。花滿楊州聽玉簫。

壬午春客廣陵 征客近添

雲。鶴夢欲將清句問參寥。

其三

飛絮飛花撲峭鞍。浪將吟興寄騷壇。

春自廣陵渡黃河反客白下

鴻已分江湖去。笑向秋雲又整翰。

其四

亭林瀟灑敞賓筵。劇羨風流詩酒仙。愧我紅塵頻贈策。

寒驢風雨送華年。

竹爐烹茶歌爲石泉上人

置驛取水古所聞。九龍品與中冷分。晴日雪花噴石壁。
三山庵下難爲羣。當年老僧有癖嗜。終日嘯傲孤雲根。
截竹爲爐當石鼎。綠筠製就質而文。山人王綬爲題卷。
後先歌詠垂高芬。松濤風聒翠微冷。此器往往空堂陳。
宛似吳甌泛湘水。置之几席清且敦。竭來小憇恣幽賞。
試以文火然松薪。細浮花月滴爽露。疏瀹六腑清鬱紛。
習習清風試七盃。綠雲泛處秋晴新。玉泉要問仙人掌。
對此詎羨謫仙人。

江上漁父詞

疎雲漏微雨。方霽月已白。垂竿夕未歸。獨坐忘機客。斜
看孤鷺飛。點破遙江碧。

遊棲霞山

翠擁虛嵐辨。繖山盤陀石。磴俯江前露。滋仙草迷幽逕。
雲鎖蒼松冒碧泉。尚有題碑留往蹟。空憐捨宅記前賢。
我來倚杖舒遐眺。千佛峯頭思渺然。

山房

雨洗衆峯綠。流泉滴洞酌。空山吐幽花。秋光滿林壑。是
間足小隱。怡然山水樂。誰叅觀化心。空明無倚着。

雞鳴山

長江勢千里。茲山乃東峙。左挾覆舟山。突兀凌太始。遠
樹入崇崗。紛翠互表裏。憶昔雷次宗。奮教迺於此。習俗
起晉衰。紛綸五經旨。至今仰風流。綺席談名理。山空秋
雨清。高躅云邈矣。曠然發遠思。礪壑松風起。

登報恩塔

浮圖俯太江。萬象出其下。天界紛開。智慧花香入空濛。
供清暇。此塔自古云報恩。福庭見性全其真。曉日射雲
火珠動。高切天漢通。神人勢凌千里空。江流洲迴白鷺
江風颺飛濤。白日噴寒雪。遠連湘漢包。荊州江聲檻外
無時休。龍宮一嘯銷繁愁。

白門楊柳枝詞

征人寫怨。夢繞江南。芳樹牽愁。心驚楊柳。况
茲青溪橋外。舊擅風流。伊彼白下門前。易添
蕭瑟。攀條雪涕。深憐司馬之情。摩篴徵歌。苦
憶子山之句。僕屢嗟于役。棖觸幽思。桃葉春
風。繫扁舟於古渡。桐花秋雨。羈匹馬于長干。
斯值曉霜落月之辰。彌增流水棲鴉之感。用
抒短句。以示同人。敢望繼聲。有希和者。
西風搖落。若爲情。萬縷千條。白下城。回首三春。旖旎色。
數枝烟雨。不勝鶯。

其二

珍珍金帶半依樓。尙拂花間玉腕。啼春殿。靈和人去盡。
曉風不散六朝愁。

其三

流水江橋夕照紅。晴光蕭瑟滿寒空。蘭成苦續梅花曲。
吹入秋心玉篴中。

其四

猶有溪邊弄笛船。酒醒何處欲秋天。江南憔悴誰堪此。
況帶斜陽又帶蟬。

其五

曾說青溪住小姑。更聞打槳莫愁湖。于今空憶花如雪。
還有嬌娥欲妒無。

其六

小拍魂銷楊叛兒。依然寒漾麴塵絲。幽情耐到清秋節。
渡口桃花應未知。

其七

青青拂地武昌門。裊裊淩波清弋村。獨有隋堤栽十里。
烏啼舊恨曲中論。

其八

鵝毛飛絮奈春何。剩有青絲蘸碧波。不管冶亭離別意。

九秋偏是受風多。

其九

長。胃。朱。欄。映。客。帆。曾。藏。春。燕。語。呢。喃。年。來。笑。看。勞。人。況。
花。滿。江。樓。酒。滿。衫。

其十

蘇。臺。記。折。短。長。條。低。拍。紅。牙。譜。綠。腰。忍。見。板。橋。秋。色。老。
殘。霜。曉。月。又。今。朝。

向于庚辰春賦
吳門楊柳枝詞

望山節相以余所作詩寄觀察岳蕉園先生辱

荅劄極加獎許賦句奉呈兼東蕉園先生

斯文誰與振大雅今扶輪山川邈無間性命孚有真維

公蘇程戚

節相與觀察
爲中表兄弟

碩望超羣倫。舒致霖雨用。卷愛

烟霞身。千古富著述。駸裔兼詩人。飄然灑蘭雪。虛堂有

餘春。楚山白水間。贈荅通殷勤。篇章作情話。抒寫皆至

文。日忝柴几侍。每獲堂與親。擅場遠前輩。青雲引後塵。

句寄梅花驛。邀賞許問津。昔者黃樓賦。坡公口奇秦。一

書薦半山。嗜好世外因。愧乏屈宋才。迺亦嘉與頻。風雅

有元氣。領契歸天鈞。高岑總附苔。誘接至理存。蒼蒼秣

陵樹。藹藹燕山雲。何當盍簪卜。操杖聆討論。

中秋後一日尹公子似村招遊西園

昨夜秋光萬千里。征鴻斷續排雲起。曉風殘月僅行人。

將掛煙帆度江水。若使乘潮下。碧流今朝空負西園遊。
西園公子愛敬客。挽我小憩林亭幽。林亭曲徑如修蟒。
幽溪芳崦延清賞。花涵白露媚軒窗。竹交空翠侵簾幌。
就中綠岸飛橋通錦湍。環轉光融融。猶見芙蓉出秋水。
江霞斷雨蒸殘紅。凌波搆出涵虛閣。曠望悠然入雲廓。
忽驚屋角起青峯。却看蒼靄空簷落。鍾山龍盤走勢來。
羣山逐鹿奔雲頽。迴崖沓嶂攢秀氣。洛陽山色斜陽開。
想是約齊當戶牖。萬象寰中無不有。潘園謝墅彼一時。
此間奇景供詩酒。公子超然品絕塵。瑤林瓊樹非常人。
飛觴花筵傾鸚鵡。抽毫月夜揮麒麟。風流此日親公度。

石闌小坐論情素。江山有助不外求。平泉嘯詠皆天賦。
明發烟波好夢君。愧我落拓歸吳門。霜白楓丹江上棹。
勝遊回首羈吟魂。

示王生又采用少陵戲爲六絕句韻

知君才慧本天成。風調翩翩筆勢橫。從古文章根柢厚。
墨池自有紫蘭生。

史爲鼎俎子鹽醢。業不窮經未可休。君向古人求實學。
源歸滄海百川流。

漢魏詩篇推正始。舍旃何處得風騷。唐賢宗法原非遠。
尙溯遺音望汝曹。

當代名卿更鉅公。並教後起作文雄。奇才不用秋蓬感。
原在高軒一過中。

高歌誰是眼中人。簪盍同朋好結鄰。斯事琢磨看遠到。
居然雋格出風塵。

欲廣知聞貴析疑。別裁風雅問從誰。杜陵詩裡求三益。
轉益多師是汝師。

效玉溪生體

生涯如水恨迢迢。錦瑟年華付寂寥。青女灑霜花便老。
姮娥沉月桂將凋。熏爐香燼寒金鎖。裝閣塵凝冷翠翹。
繡被鄂君孤擁夜。碧天修阻最魂銷。

其二

音信難憑青鳥將。無端銀漢隔紅牆。他心豈合芙蓉鏡。
昨夢猶依翡翠床。獨寤有人憐子夜。同心無地結丁香。
白雲已駕仙駟去。腸斷蓬山路渺茫。

其三

六曲牕屏鎖翠煙。此中消息隔嬋娟。乘槎何處潛通海。
鍊石誰人暗補天。淚滴墨花書鳳紙。恨傳松韻撥鴟絃。
江南紅豆年年好。難取相思訴玉仙。

其四

水咽銅龍漏漸稀。畫簾紅雨夜驛微。空知天路綿綿遠。

漫盼花辰。緩緩歸千里明珠。思漢女。九秋香草。憶湘妃。
忍看十二欄杆外。池面鴛鴦帶露飛。

秋日桃花盛開以詩問之

却憐灼灼遍秋風。回首春芳訝許同。認葉依然滋嫩綠。
看花猶是綻深紅。石欄霞冷依楓樹。金井霜寒伴桂叢。
此夕亞枝點綴好。不知造化爲誰工。

其二

窈窕芳枝倚日斜。殷紅分得武陵家。怎疑春剪三宮綵。
却是秋開一塢花。江水泛槁臨古渡。河隄策馬踏寒沙。
自憐多少東風感。遲暮寒芳興轉賒。

洞庭橘枝詞

金衣枝上映霞丹。新實離離掛晚寒。好。比江南紅豆子。
秋思一夕滿林巒。

其二

彌望林光玉露滋。佳人翠袖摘香遲。終朝未得筠籠滿。
愛檢三秋連理枝。有連理橘

其三

聞道踰淮化枳多。忍和錦字寄連波。妾心却比山中樹。
歲歲寒香老。阿。

題女史徐若冰南樓詩卷

月滿樓詩集卷五

元和顧宗泰景獄

受業嚴暉吉編輯

江館集

癸未 甲申 癸未春採花鄧尉秋赴玉山
甲申秋望山節相招遊秦淮冬又至暨陽兩
年流連江上總
名為江館集

雪次何水部和司馬博士詠雪詩韻卽效其體

蒼雲宵徧嶺。皚雪曉迎春。瓊田四野合。梅花萬樹新。寒
襲龍沙戍。光廻鳳閣人。若教調玉軫。一爲拂清塵。

自光福里過虎山橋抵費家湖遂往元墓造聖

恩寺

沿○流○放○輕○舟○已○過○龜○山○麓○潑○洞○雙○崦○西○透○迤○重○湖○曲○羣○
峯○西○南○來○翠○岑○互○回○伏○袁○墓○稱○最○奇○蒼○秀○出○摩○俗○停○櫂○
遂○登○山○取○徑○入○寒○竹○桑○條○未○成○陰○梅○蕊○初○含○綠○短○橋○束○
溪○流○疎○籬○間○叢○木○山○居○太○古○風○兒○童○解○畜○牧○行○行○圖○畫○
中○寒○鐘○出○巖○谷○揭○來○萬○峯○寺○蒼○茫○遐○遐○囑○回○首○白○雲○多○
莫○辨○林○巒○複○

小憩還元閣携僧上山頂望太湖

梅○花○開○尙○未○尋○僧○到○小○閣○四○面○山○蒼○然○翠○靄○襲○簾○幕○逸○
興○寄○重○湖○遐○眺○上○靈○嶠○笠○澤○控○三○江○迴○瀾○蕩○萬○壑○煙○波○
澹○空○濛○島○嶼○互○紛○錯○斜○陽○照○遠○光○天○水○入○寥○廓○時○有○孤○

帆來薄。向前洲泊。平生結遐想。何年踐夙約。忽喜萬頃雲清景。落芒屨。願傍金仙居。結廬此寄託。

晚自元墓歷青芝銅井行至馬駕山探梅花

城西多好山。其山秀而僻。官循鄧尉陰。清渠繞曲陌。路紆境益奇。竹籬界蘿石。林窄不受輿。徑小纔通屐。山家多種梅。梅樹至千百。是時春尚淺。梅花萼初坼。空潭蘊芳氣。風光動香魄。輕煙繚孤青。澹雲弄微白。憶彼姑射仙。冰姿遠凡格。我來坐花根。徘徊山路夕。劇貪清景幽。花亦笑狂客。歸聽遠山鐘。新月挂空碧。

戴星垣邀歸愚先生暨同學諸君讌集師子林

以事未赴

空翠滿疎林。風清散花雨。妙境恆追尋。歡邀物外侶。白雲解留人。幽禽自相語。瞻念石闌幽。翛然遠塵緒。

其二

蒼靄落虛簷。奇峯繞精舍。羣峰拱一峯。狡獪獨雄霸。躡磴輒換形。玲瓏奪造化。何處飛泉聲。幽磎垂虹跨。

其三

却鎖五湖雲。秋潭亦渺瀰。一規玉鑑池。百尺冰壺水。握衣坐夕陰。觀心契無始。林外清風來。空階落松子。

其四

山水既靚深五松乃特妙幽崖動碧陰白晝舒清嘯劇
憐弘景風復軫興公好日夕足盤桓茶熟雲侵竈

其五

春風聽鶻客幽賞耽林樾歡奉陶公興欣同謝家屐花
榭羅清樽銀銕燦芳席趣洽酒無巡素心自夷憚

其六

麗澤豈蘭襟冥冥其師友未隨謝謫賓愧說嵇康酒風
光去如馳雲林笑人否檀那色相空須問拈花手

寒食

寒陰漠漠暗春城百五風光幾許情雨濕桃花迎上巳

煙籠楊柳作清明。前村帘影宜沽酒。別巷簫聲是賣饒。
更看東原延遠綠。一犁雲外課深耕。

和歸愚先生九十詠懷

綠野林泉屬大儒。優游不羨北山愚。心依魏闕懷丹鳳。
夢繞瀧岡感素烏。藜杖花時扶遠徑。籃輿雲外訪幽途。
巨源清俸供家食。負郭無田少風逋。

蘇代風騷溯建安。詞宗碩望重詩壇。北遊高躡出盤石。
管遊川盤探膝。甲石舞劍南下遙。塞楚澤蘭。甲子典歌。
臺諸勝集中有登盤山詩。試地。

和瀛臺多樂愷韻。廣玉案異清寒。陶銘李杜傳天。

語看鯨魚碧海寬。

告歸歲月總

君恩台嶽攀躋看海嶠

登華頂觀高異日月同度

知章邀鑑曲榮同疏廣祖都門草堂幽近香溪渡林壑

清依葑水村時有瓊函雲外至

天章藻耀並推論

喜屆庚辰介

壽年摠衣重覲

玉坡前人來蓬島稱

天瑞會領香山冠眾仙歸老探梅兼放鶴閒居枕水更

通阡

木康樂山居賦

卽今九秩真康健祝嘏萊階戲彩翩

過龍興寺追次綦拾遺留題韻

未共白雲歸尋僧晚扣扉苔花不礙屐松翠欲侵衣純

榻茶煙細圍爐香火微語溪留一角爲問錫空飛

其二

蘭若傳梁代。雲深鶴護扉。地爲花雨界。人是水田衣。過
午鐘聲靜。流空梵響微。竭來參半偈。林外鳥閒飛。

梁溪道中

舟下梁溪。沂曲灣。滿溪流。水碧潄潄。雲中試望。青山色。
果是疎簾隔玉環。

其二

家家臨水啟柴門。春店燈寒。月色昏。指點去年沽酒處。
芙蓉溪外綠楊村。

黃阜墩

澹霧曉空濛。舟過黃阜渡。烟岫隔湖青。遙遙見春樹。

青陽卽目

春流依曲渚。叢竹被橫阡。數里斜陽好。人家隔翠煙。

壽中丞莊滋圃先生

維嶽誕降神。大儒振風俗。江天半壁安。旬宣總百屬。斯
民躋仁壽。大壽歸真籙。維公經術醇。帝心藉啟沃。蓬
瀛第一仙。山斗羣瞻矚。聲名重石渠。文章邁玉局。秉尺
量羣材。造士黜華縉。苗軋誰爭鳴。布帛而菽粟。江表俱
豹變。坦夷赴軌躅。文教視轉移。封疆資約束。開府撫南
邦。兵衛森高嶽。祥烏繞戟門。清風肅部曲。激揚先吏治。
教養從民欲。湛湛晞露斯。熙熙被春旭。三吳荆越民。異

地恩同浴。簡命重撫吳。子惠正宜續。政餘重膠庠。作人
親董督。面命兼耳提。誘掖肫且篤。至教及散材。恩私愧
深勗。轉思伏櫪軀。揚鑒匪駿駉。噓被春風多。彌自策蹇
足。方今啟朱明。仙蒲漸抽綠。祝嘏仰璫筵。稱觴進醴醕。
悠。久。頌。春。臺。贊。化。調。玉。燭。

過韓清諧先生墓

溪流決決環花村。望齊門外寒林昏。少微真人不可見。
墓有少微澹烟宿草留孤墳。孤墳題碣直千古。遺老高
真人碣。風競接武。南陽世澤舊清芬。藏魄城西穿復土。先生少
歲富五車。涉書獵史窮菁華。千鈞之力出腕底。滿臺更

看騰煙霞一時聲名動京國南雍多士推碩德希踪陸
履鄭士勵風期學紹東吳端表式名在復社是時宵小方披
猖石牛五鹿登巖廊鼎鼎若若盡鉤黨招邀便欲羅鷺
鳳時馬阮黨以千金招致堅拒遂歸拂衣不受千金幣歸來嘯傲羲皇
世洽隱園中翰墨娛青山荷插真良計至今世事隨騰
塵獨有芳名萬古春春霜秋露松楸道文孫俎豆看常
新謂梅與旭亭雨昆仲

采菊東籬下

得意忘言處疎籬愛晚香花依雲外澹影到月中涼
擢秀終堪賞經秋豈自傷餐英如有意何日不重陽

題迂溪梅花冊

白雲停高岑。梅花散遠林。花開春以至。如贈瑤華音。之子愛邱壑。孤契耽虛襟。山空人不來。悠然天地心。

題竹下撫琴圖

日夕風露清。疎花委空谷。稍理黃金徽。一奏白雲曲。妙指發幽情。泠泠五絃肅。回軫寫商絃。秋聲在寒竹。

中秋後一日雨後周樵林攜舟招遊虎阜便泛

山塘遂入山過程氏園歸飲舟中作

秋陰澄夕岸。疎雨收西峯。遙村澹煙合。幽樹寒雲重。側徑旣紆鬱。迴溪亦玲瓏。舍舟理輕策。捫石攀孤松。人家

在翠靄日暮來清風肅此巖中賞稍憇塵外踪泠泠山
溜白隱隱溪花紅感物正若斯流眄將何窮頽景匿西
汜微月生遙空歸橈泛前渚嘉醴聯懽棕山川能娛人
風雨相迫從醉憇握蘭客奪芳晚與同

越日天霽家海山復招遊山塘遲蔣雲隈不至
風雲歸遠山曉日照秋谷觀此風氣清始知天宇肅昨
遊憇陰林今來踐蒼麓猗蘭被芳塘寒花隱平陸好鳥
喧初晴遠音出疎木昏旦候已移清輝媚幽獨扶筇恣
流玩入舟蕩波曲合坐訴杯行開筵酌芳醪賓飲極懽
悰含情遊孤躡鬱鬱蒼葭洲悠悠江水隩美人遲暮思

爾音佇金玉。

慰友悼亡

輕寒剪剪入牕紗。魂斷春風謝女家。渾似綠衣消息杳。
參橫月落夢梅花。

曲翻金縷寫幽思。最苦香幃永訣時。余亦舊愁縈錦瑟。
臨風忍讀斷腸詞。

古詩七章哀喬鍾齡烈婦

青青嶺上松。鄰鄰澗中石。冰雪在瑤池。秉質亦堅白。變
彼貞德女。清操邁巾幗。芳姓自名門。徽音出華閼。玉佩
有芬芳。婉婉崇令德。

其二

令德在家庭。黽勉自幼齡。組織秉常訓。環珮聆常聲。熟
嫺內則禮。矜矜皆儀型。循陔赴冰署。采蘭念父兄。依母
盡女職。堂上多懽情。

其三

懽情方就養。歸里征帆颺。遙下晉河流。旋驚淮浦漲。空
言戒衣袂。覆舟淪雪浪。嗟嗟母與弟。隻手拯波上。出波
復入波。神佑廼無恙。

其四

神佑孝所通。天性抒孤衷。更值豫河決。鎖鑰嚴閨中。豈

不明大義令哲古人同幽貞還許字女蘿托喬松作嬪
君子室從一以爲終

其五

從一願偕老同心室家好白華被陵畝潔羞戒胡考燕
來未及歡良人摧折早霜殘連理枝風敗駢生草兩鬢
維我儀之死矢幽抱

其六

矢死念尊嫜生壙須經營願言脫簪珥穿土封佳城良
人卒附葬婦德靡弗成一身計兩世存沒偕安寧芳徽
姬彤管志貫秋霜清

其七

秋霜慘以烈。高張五絃絕。萬里拜慈親。投繯遂孤潔。生則爲同居。死則爲同穴。沉井風彌清。留香字不滅。古人與同期。日月鑒高節。

題金聽濤庶常酒醒何處圖并送之粵東

清秋疎柳帶寒煙。小泊空江千里船。人在曉風殘月裡。多情不獨柳屯田。

其二

玉泉山翠吐幽嵐。昨歲春明試紫驂。退食西清清夢遠。鱸鄉煙雨是江南。

其三

茂先博雅有誰如。更入天南遠著書。梅子荔奴風信好。
蠻江寫出早春初。時將修粵中志

其四

津亭話別恨匆匆。誰唱秋詞按小紅。余亦頻年賦行役。
水村山郭酒旗風。吳川句

山塘放舟分韻得氣字

出郭卽名山。勝遊不可旣。遊山幽興熟。偏尋澹中味。秋
深天宇清。凌寒挹爽氣。霞明楓落遲。霜老菊殘未。回首
春光濃。日聽清歌沸。芳華會幾何。萋萋委寒卉。朋儕淡

蕩人載酒不問費。酒酣逸興飛。聯吟逞雄蔚。五字攻堅。
城偏師戰。韓魏揆藻。挾秋心。沆瀣入腸胃。茲遊不可忘。
投翰發永歎。

白秋海棠次韻

依稀秋夕試冰紵。點點芳叢素蕊乾。開傍玉階和月冷。
睡深珠館怯霜寒。幽姿底用蘭缸照。澹色宜圍翠袖看。
蟋蟀欄邊花未老。應憐有客鬢如潘。

其二

何處懷人寫素紵。玉顏寂寞淚初乾。不沾紅雨逢春瘦。
却點青霜入夜寒。姑射偏疑塵外見。華清轉訝夢中看。

燕脂洗盡秋光好。誰比風情尚憶潘。

元旦

清漏初稀燭影斜。新看曉色上廳紗。雪封瘦嶺無多翠。
風勒寒梅未有花。亦自歡欣隨物態。應將瀟灑送年華。
屠蘇一盞容吾醉。喜得春盤薦蓼芽。

玉階怨

昭陽空入夢。終日下簾鉤。芳草瑤階綠。含滋春復秋。

長門怨

清風起羅幕。獨處托哀絃。三五長門月。深宵一樣圓。

吳魯齋別駕招飲以事未赴賦謝兼贈

人。日。前。一。日。夜。半。驚。春。雷。春。雷。動。地。草。木。坼。一。株。瓦。棟。
梅。始。開。使。君。張。筵。宴。官。閣。細。雨。疎。鐘。動。春。酌。誰。道。有。酒。
不。如。泉。羣。彥。汪。洋。恣。酣。樂。主。人。今。扶。大。雅。輪。風。流。宏。獎。
孰。與。倫。襟。抱。寒。空。吐。華。月。談。笑。暖。律。回。陽。春。搗。來。綠。水。
長。洲。苑。百。花。洲。上。春。初。暖。獨。開。畫。戟。凝。清。香。便。瀉。銀。餅。
飛。碧。盃。賤。子。多。蒙。折。簡。招。未。陪。珠。履。醉。清。宵。作。歌。且。當。
疏。麻。寄。門。外。風。和。凍。雪。銷。

試鄭宅茶歌

梅。花。開。遍。空。山。裡。一。樹。春。風。睡。初。起。故。人。適。自。閩。嶠。來。
貽。我。蠟。囊。手。自。開。傾。囊。錯。落。茶。葉。片。料。得。雲。深。採。碧。澗。

建州龍鳳故絕倫。方山露芽亦足珍。獨憐有宋鄭公宅。
芳名占得園林春。春園自種清人樹。枝葉婆娑盛垂布。
每從花外轉朱輪。好命傾筐摘珠露。銅駝到今幾百秋。
君謨逸事隨波流。猶有一株擅奇絕。平章手澤清陰留。
彷彿騎火貢天子。金鑿舊例賜者幾。四人一餅那足誇。
碧水丹山邦有此。何當遠餉清明前。汲水豈必中冷泉。
紗帽籠頭便煎喫。颺颺響動松風寒。蒼頭絕勝青州酒。
相嘲乃在酪漿後。不須笑設邾莒飧。雪碗冰甌落吾手。
依然綠脚春垂雲。萊陽家種傳清芬。吾將添注陸羽譜。
換骨一問黃山君。

春燕篇

海國東風遍。江皋細雨霏。三春逢社晚。雙燕繞堂飛。春
社歸來尋舊主。芳園到處看歌舞。依闌委宛惜紅襟。傍
戶差池憐翠羽。翠羽紅襟映碧紗。珠簾繡箔向誰家。憶
辭江北初飛雪。驚到江南又落花。南北迢迢經遠道。修
尾涎涎弄清曉。柳絮千條帶霧飄。游絲百丈和煙繞。煙
霧初過寒食天。芹泥銜遍綺牕前。有情常伴香幃冷。多
睡偏驚錦帳寒。香幃錦帳時相見。飛去飛來真可羨。隨
月偏回翡翠樓。因風却下鴛鴦殿。殿中蘇合鬱金香。花
際行雲紅粉粧。趙女背來添蜀絲。漢姬曉起舞銖囊。別

有深宮閉金屋。長。庭。娥。眉。低。黛。綠。聯。翅。生。憎。桂。棟。棲。鶯。
巢。怕。見。雕。梁。宿。淒。惻。芳。心。欺。履。綦。徘徊。小。苑。卷。羅。衣。腸。
斷。王。孫。寫。詩。曲。魂。銷。子。夜。吐。悲。思。悲。思。子。夜。情。何。已。却。
聽。笙。歌。傳。底。里。朱。雀。橋。邊。嬌。女。兒。烏。衣。巷。口。良。家。子。簫。
聲。鏡。影。舞。冰。綃。玉。饌。金。尊。宴。綺。寮。仿。彿。華。胥。尋。舊。約。依。
稀。王。謝。遇。仙。標。幾。處。歡。娛。幾。處。怨。誰。爲。喚。醒。誰。爲。勸。黃。
鸞。欲。老。杜。鵑。啼。春。事。將。闌。清。夢。斷。此。時。燕。子。滿。滄。洲。此。
際。滄。洲。更。繫。愁。玉。關。人。遠。無。消。息。榆。塞。途。寒。悵。阻。修。玉。
關。榆。塞。空。行。役。少。婦。征。人。兩。乖。隔。可。憐。紫。乙。向。瓊。閣。可。
憐。碧。瓜。留。霞。帟。青。絲。繫。足。悼。孤。棲。碎。錦。裁。書。寄。隴。西。隴。

西萬里書中恨。塞北千家曲裡悲。曲裡書中淚沾臆。秋
去春來倍相憶。箱開黃竹謝文紈。塢挽烏鴉悔華飾。年
年天女集幽庭。日日無言倚畫屏。爲問藁砧何日返。空
牽離緒滿春城。

清明連上已有作

黃鶯啼遍春江樹。芳草芳花滿行路。可憐上巳接清明。
肯把韶光等閒度。直教連日作遨遊。細雨初晴澹霧收。
小海歌來風日美。杏餠香處羽觴流。飛觴泛水十餘里。
賣餠却在簫聲裡。盧家雙燕飛梁樓。簾外游絲嬌不起。
金爐沈麝繞清煙。柳絮霏霏綺閣前。纔罷溪頭采蘭艾。

又看牆畔送鞦韆。三月重三正百五。釀暖東風侵繡戶。
好醉佳人錦瑟傍。清夢悠然睡亭午。

壽大學士尹望山先生

光華卿景應昌期。天錫元良贊帝熙。祥入星辰聽劍履。
福分淮海望旌麾。新恩雨露承香案。舊望文章付玉池。
初度欣逢齊介祉。由來黃耆是邦基。

其二

夙仰蓬萊第一峯。一門兩世亮天工。花堤再築沙痕綠。
槐閣重開日影紅。司馬威名傾塞外。潞公雅望在朝中。
台階代有擎天手。灑盡甘霖遍海東。

其三

相門持節領諸侯。分鎮河山半九州。三輔雲關雙劍閣。
五華雪嶺曲江樓。遠巡中夏恩俱遍。近式南邦惠更流。
仍降星輶牛斗境。黍苗到處起歌謳。

其四

中樞元宰大行臺。出入身兼周召才。鳳帳擁官威望肅。
龍門接士霽顏開。幾清跋勅和香寫。公暇吟章帶錦裁。
兵衛三千燕寢地。繡衣赤舄想徘徊。

消夏

夢回午枕到無懷。山入虛牕秀色佳。水檻風清垂柳線。

月滿樓詩集

卷五

七

石蘭雨細落松釵。酒招逸客常容醉。詩問高僧不破齋。
白香山詩笑問東。合擬逍遙居物外。關身桐帽與棕鞋。
林老詩應不破齋。

其二

竹外幽花影自交。風光冲澹肯輕拋。薄粘香絮蜂添蜜。
低緝芹泥燕護巢。披褐每從奇士語。濡毫偏借異書抄。
苦吟更自移長晷。欲把新詞帶月敲。

其三

綠樹繁陰罨四檐。湘波不動下重簾。鮮供碧李初沉水。
熟摘黃梅半醺鹽。豈羨牆東藏應仲。却憐牕北卧陶潛。
茶煙爍處消清晝。真覺幽居道味添。

其四

圓荷香細滿雲江。門外幽村似石淙。月上疎煙涼鷺浦。
雨過新水浸魚缸。未須垂釣攜孤艇。應爲行吟泛小艣。
蕭散不徒追暑計。襟期應比鹿門龐。

北牕聞蟬

斷却疎軒夢。蟬吟碧柳中。心清原飲露。音遠豈憑風。
有候隨元感。無情任化工。晚涼人靜處。高寄與誰同。

雨霽

雨霽風氣清。臨池暮晞髮。涼雲潛欲無。遙空吐華月。

秋風引

月清初言集 卷五 三
六月方徂暑。清風今夕生。七月梧桐葉未落。入樹已秋聲。

夜坐

月斜猶未眠。幽人每孤坐。繁螢帶星流。涼露無聲墮。

題桐花萬里圖冊

天風吹碧陰。涼雲墮如水。苔苔嶧陽桐。瓊葉何披靡。上
凌高岡頭。下拂幽巖裡。驚步兼鳳翔。覽輝散文綺。空外
鉦磬聲。直應朝陽起。仙吏揮瑤琴。流音中宮徵。退食坐
委蛇。傳經自課子。超宗有鳳毛。雙雛信美矣。不見桐花
開。丹山清萬里。

和陸湘濱九日登金斗城作

城臨斗野接中台。俯瞰東洲明遠臺。淝水橫江銀練合。
蜀山繞郭翠霞來。風疎落葉生秋籟。雨洗黃花靜晚埃。
回首汝陰吟眺遠。排空幾處雁飛廻。

其二

商飈蕭瑟歛恢台。逸興重登百尺臺。宵雨漁舟聞笛去。
曉風海島泛槎來。城有箏笛浦。浮槎山諸勝。人逢勝壤憐陳蹟。趣到
清遊淨俗埃。想得攜朋高會處。依然落帽詠詩廻。

題香雪圖次韻

何遜風流繼往年。官梅消息早春天。幾枝瘦影臨寒水。

半樹疎香帶。澹煙絃。惜玉痕。揮別館。釀分石凍。醉芳筵。
簷花細落。耽清賞。索笑還應對雪眠。

其二

月滿吟樓花滿林。年來小隱薜蘿深。紉蘭空結湘中佩。
折柳曾題漢上襟。徒愛閒居潘岳賦。誰憐流水伯牙琴。
瑤華一紙江南使。異地新知感盍簪。

題蓉江朱氏所居

竹莊松塢徧題名。小築蓉江結構精。山雨每成空翠色。
谿雲不隔遠泉聲。春深花落圍魚隊。秋晚沙寒度雁兵。
知是主人小隱處。翛然襟抱有餘清。

和陳荔汀舅氏寫懷之作

十年菌閣眺嵩衡。歸去秋江帆影橫。聞有東山堪寄嘯。
清無南畝可通耕。鵲鵲原上懷兄弟。鴻雁書中眷友生。
風雨一廬添舊緒。松醪獨撫玉杯擎。

其二

往歲名垂冠蓋場。公餘燕坐自焚香。雲依睢水憐官舍。
花滿莘城記驛牆。歸隱論文宗賈馬。退閒招客愛求羊。
夙叨嘉許慚康伯。秋夕蘭堦挹晚涼。

贈晚峯上人

韶年愛著水田衣。新向洲邊放鶴歸。
向住放興寄推敲
鶴洲上

吟逸句閑來却叩月中扉

其二

天花不墜悟空明。社結香燈到月聲。

近於月聲庵結社

翰墨一

重緣未了願從曇城訂三生。

其三

金粟開時香滿樓。

和余月滿樓詩句

一時韻語出緇流。如來便

可參真諦贏得前因說虎頭。

少陵詩虎頭金粟峯

其四

落花時節屢茶煙。一榻清風對客眠。正喜文章留貝葉。

碧雲詩裡證金仙。

望亭曉發

宵宿弭松舟。晨發動蘭槳。殘月耿寒光。流波激清響。漸
泝梁溪深。遙緬龍山爽。沙鳥泛空明。汀花媚滉瀟。境霽
有餘妍。物幽引孤賞。揚舲恣旅遊。卽此謝塵坱。

暮過惠山

漠漠煙溪青。遙遙暮山紫。殘霞襯夕陽。馥光墮寒水。

曉過毘陵

一溪殘月照蒼涼。曉發毘陵記驛牆。舟過皇華亭畔路。
綠楊幾樹帶新霜。

道中卽景

月。清。影。滿。空。
微。波。渺。寒。綠。輕。舸。破。秋。練。言。道。曲。阿。陰。回。緬。隔。鄉。縣。黃。
葉。覆。村。橋。碧。煙。滿。沙。甸。斜。日。涵。溪。光。林。巒。彩。流。絢。帆。影。
雲。際。來。嵐。氣。天。中。變。寄。賞。得。遐。觀。卽。目。有。嘉。羨。山。水。懽。
娛。人。客。遊。以。忘。倦。

觀垂釣者

澹。風。起。處。動。漪。漣。把。釣。漁。人。夜。不。眠。月。岸。蘆。花。如。雪。白。
無。魚。也。愛。坐。清。川。

雲陽

碧。水。浸。長。堤。舟。行。江。郭。西。霜。清。羣。木。瘦。天。遠。衆。峯。低。野。
舍。馴。孤。犬。村。船。報。午。雞。轉。憐。風。景。異。到。處。足。幽。栖。

旅夜

一棹寒潮外。扁舟逐雁羣。樹疎全見月。山缺半藏雲。遙
夜添幽景。空江澹俗氛。却憐名利客。徒此往來勤。

曉渡楊子江

天雞初號日。初出客子乘。流去帆疾水底鯨。人夜吐珠
失捲冰。綃萬千匹。長空森森波光平。輕舟早過鐵甕城。
金山挂眼直咫尺。芙蓉一朵滄江生。須臾寒霧紛漠漠。
煙靄迷離滿岩壑。恍惚置身雲海中。使我心神動驚愕。
漸看五色金鳥高。萬頃一碧明秋毫。依舊霽景浩無極。
渡如一葦過銀濤。憶昨夜買蘭陵酒。溪上丹楓雜哀柳。

風清月白醉初醒。落拓生涯付搔首。竭來却到曉江濱。
回望蘇臺隔斷雲。此日夢魂勞白髮。倚閭心繞渡江人。
真州

蒲帆十幅卸江隈。江上人家夕照開。楓樹半紅楊樹綠。
隔溪小艇賣魚回。

過雁

渡自瀟湘水。來賓動旅愁。影低孤嶂月。聲落大江秋。避
繳寧無憾。銜蘆亦有謀。征人嗟浪跡。對爾淚頻流。

江行

遙夜澹如此。休悲行路難。火明江岸細。星墜月波寒。宿

鷺沙邊見飛鴻。天際看悠悠。挂帆處。偏遣旅懷寬。

半夜宿燕子磯

山月蒼寒歛夕霏。花宮隱隱漏聲稀。一天霜落魚龍靜。
人住空江燕子磯。

贈袁存齋太史時值其母夫人壽

碧虛樓閣着神仙。終日循陔樂事偏。舍有白雲窺色笑。
園因青嶂作林泉。過江名士推前輩。扶輦門生盡少年。
此日里門歌燕喜。直將風雅冠賓筵。

晤尹六公子似村

往夢相思悵各天。秋風一別動經年。梅花鄧尉三更月。

楊柳秦淮十里煙。却喜西園重把袂。最憐南國又傳箋。
時示所爲詩。如今不繫舟邊話。再結風人未了緣。

贈陳梅岑

瑤林仙品孰如君。揮麈重逢笑語溫。勝具勝情憐白下。
某邱某水話吳門。梅岑生長吳郡謝家述德真堂構。荀氏論才
盡弟兄。今日芳園欣贈佩。知交雲外見鴻軒。

泊龍江關

羈人愁不寐。關外柝初殘。遙夜潮方長。江聲一枕寒。

登燕子磯遊永濟寺

沙澈生微風。孤帆卸高岸。杖策登危磯。奇秀插天漢。雨

崖互蔽虧崇巒忽中斷孤亭恣遐瞻水天浩無畔江聲
樹杪回巖雲足下亂迴步陟花宮延緣接臺觀竹翠烟
罪重松陰黽颺窺入室遇緇流訪佛參幽贊貝葉編梵
書蠟香繞梨案江界足空機頗遣塵緒散還循石徑歸
清鐘響天半

阻風作

江波滾滾江天寒扁舟日夕橫江干醺酒高歌憶往事
壬午春同諸君子登危亭劇飲放歌落拓重來嗟失意休憎石燕吹回風
顛倒順逆皆天工極目花宮隱寒竹且訪幽僧入翠谷

風息後作

連夜空灘聽急湍。風恬穩渡旅人船。大江濶處雪爲岸。
青嶂橫來翠接天。寒到蘆花逢十月。苦思匏葉計三年。
壬午歸自黃河。嗟予行役添愁緒。日暮高歌一扣舷。

客感

歲晚仍爲客。寒溪對落霞。孤舟僕是侶。遠道水爲家。作
達應須早。吾生亦有涯。懸弧違素志。未老鬢先華。

夜舟聞笛

明月墮波水。作天苦篁溫。翠沉秋煙搖。搖柔櫓溪聲小。
鱗屋魚腴吹腥涎。徑轉空山夜悄悄。白雲自合野蘿繞。
陰風帝女呼蒼龍。孤笛一聲天地香。

小雪後十日集澄江大榭見山茶始放偕錢繼
灘張遜亭王條山葉麗農徐藕汀分賦得紅

寒二韻

碧水環芳榭。雲茶放曉風。誰云花少態。偏見數枝紅。香
冷歲初晏。色深晴轉烘。居然堪作飲。佐酒引郢筒。

其二

小倚亞闌干。奇姿鬥峭寒。霜中珠串重。雨後粉痕殘。有
珠宮粉揮塵宜清話。傾杯盡舊歡。風流坡老句。却異獨
數種來看。細雨無人我獨來
東坡咏山茶句

蕭梅村總戎招飲愛吾廬席上分韻

亞歲寒深欲雪天。清宵官閣敵芳筵。銀盤剪燭燃紅蕊。
畫戟凝香繞翠煙。偏許新知窺月舫。時出示手文宛如月舫嘗自號月舫
却憐舊雨話江船。時吟江頭贈友之句拋巡泥飲鬼。我醉簾外梅
花笑客顛。

其二

使君有酒宛如泉。誰吸長鯨飲最先。座上輕裘兼緩帶。
花間蠻榼雜巴箋。他年客去初春後。壬午春自澄江北行渡河而返今
日人來小歲前。却感主人情爛漫。十分飛盞白波圓。